



KENYATAAN MEDIA

KEMENTERIAN EKONOMI
JABATAN PERANGKAAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

ANGGARAN PENDUDUK SEMASA, MALAYSIA, 2025

MELAKA, PAHANG DAN W.P. KUALA LUMPUR MENYERTAI SEMBILAN LAGI NEGERI MENUA

PUTRAJAYA, 31 Julai 2025 – Jabatan Perangkaan Malaysia (DOSM) telah mengeluarkan statistik berkaitan **Anggaran Penduduk Semasa, Malaysia, 2025** pada hari ini. Laporan ini memaparkan anggaran penduduk di Malaysia bagi tahun 2024 dan 2025. Anggaran penduduk semasa adalah berasaskan Banci Penduduk dan Perumahan Malaysia, 2020. Anggaran penduduk ini menggunakan kaedah komponen kohort yang meliputi kelahiran, kematian dan migrasi.

Ketua Perangkawan Malaysia, Dato' Sri Dr. Mohd Uzir Mahidin berkata, "Jumlah penduduk Malaysia pada 2025 dianggarkan 34.2 juta berbanding 34.1 juta pada 2024 dengan kadar pertumbuhan 0.5 peratus. Penduduk Warganegara meningkat daripada 30.7 juta pada 2024 kepada 30.9 juta pada 2025 dengan kadar pertumbuhan menurun daripada 0.7 peratus kepada 0.6 peratus. Penduduk Bukan Warganegara menunjukkan trend yang sama dengan kadar pertumbuhan sebanyak -0.5 peratus pada 2025 berbanding 13.6 peratus pada 2024".

Ketua Perangkawan mengulas lanjut, "Pada 2025, sebanyak 12 negeri di Malaysia telah mencapai status negeri menua dengan tambahan tiga negeri baharu iaitu Melaka (7.3%), Pahang (7.1%) dan W.P. Kuala Lumpur (7.1%). Perak kekal mendahului dengan peratusan

tertinggi penduduk umur tua (10.3%)". Sesebuah negeri ditakrifkan menua apabila peratusan penduduk berumur 65 tahun dan ke atas melebihi 7 peratus daripada jumlah keseluruhan penduduk.

Lima negeri iaitu Terengganu (1.2%), Kelantan (1.0%), Pahang (0.6%), Selangor (0.6%) dan Melaka (0.6%) telah melepasi kadar pertumbuhan nasional 0.5 peratus. Tiga negeri yang mencatatkan peratusan penduduk tertinggi pada 2025 ialah Selangor (21.6%) diikuti Johor (12.3%) dan Sabah (11.0%). Sebaliknya, W.P. Labuan dan W.P. Putrajaya mencatatkan peratusan penduduk terendah iaitu masing-masing 0.3 peratus dan 0.4 peratus.

Komposisi penduduk berumur 0-14 tahun (umur muda) pada 2025 menurun kepada 21.6 peratus berbanding 22.2 peratus pada 2024. Sebaliknya, komposisi penduduk berumur 15-64 tahun (umur bekerja) meningkat daripada 70.2 peratus pada 2024 kepada 70.4 peratus pada 2025. Peratusan penduduk berumur 65 tahun dan lebih (umur tua) meningkat daripada 7.6 peratus kepada 8.0 peratus bagi tempoh yang sama. Umur penengah penduduk Malaysia mencecah 31.3 tahun pada 2025 iaitu meningkat daripada 30.9 tahun berbanding tahun sebelum.

Komposisi penduduk Warganegara pada 2025 meningkat kepada 90.1 peratus (2025) daripada 90.0 peratus. Sementara itu, komposisi penduduk Bukan Warganegara menurun daripada 10.0 peratus kepada 9.9 peratus bagi tempoh yang sama.

Bumiputera menyumbang 70.5 peratus daripada 30.9 juta Warganegara pada 2025 (2024: 70.3%). Walau bagaimanapun, komposisi Cina menurun kepada 22.2 peratus (2024: 22.4%), manakala India dan Lain-lain masing-masing kekal pada 6.5 peratus dan 0.8 peratus.

Pada 2025, bilangan lelaki melebihi perempuan iaitu masing-masing 18.0 juta dan 16.3 juta. Nisbah jantina bagi keseluruhan penduduk adalah 110 lelaki bagi setiap 100 perempuan. Bagi tempoh 2024-2025, nisbah jantina Warganegara menurun kepada 102 lelaki bagi setiap 100 perempuan, manakala bagi Bukan Warganegara kekal pada

228 lelaki bagi setiap 100 perempuan. Secara keseluruhan, kesemua negeri di Malaysia mencatatkan bilangan lelaki melebihi perempuan kecuali bagi negeri Perlis (99) dan W.P. Putrajaya (97). Negeri-negeri yang mencatatkan nisbah jantina melebihi purata nasional (110) termasuk W.P. Kuala Lumpur dengan 117 lelaki bagi setiap 100 perempuan diikuti oleh Johor (116), Selangor (114), Pahang (114) dan Melaka (112).

W.P. Putrajaya mencatatkan komposisi penduduk muda (0-14 tahun) tertinggi pada 2025 dengan 33.3 peratus. Manakala W.P. Kuala Lumpur mencatatkan komposisi penduduk umur bekerja (15-64 tahun) tertinggi iaitu 76.1 peratus.

Seiring dengan pertambahan penduduk, kepadatan penduduk Malaysia juga telah meningkat kepada 104 orang (2025) berbanding 103 orang bagi setiap kilometer persegi pada tahun 2024. W.P. Kuala Lumpur kekal sebagai negeri paling padat dengan 8,546 orang bagi setiap kilometer persegi, diikuti oleh W.P. Putrajaya (2,450 orang) dan Pulau Pinang (1,749 orang). Sarawak mempunyai kepadatan penduduk terendah dengan 20 orang bagi setiap kilometer persegi, diikuti oleh Pahang (46 orang) dan Sabah (51 orang).

Berdasarkan Unjuran Penduduk, 2020-2060, penduduk Malaysia dijangka mencapai kemuncak 42.38 juta orang pada 2059, sebelum menurun secara perlahan bermula 2060 (42.37 juta), 2065 (42.08 juta) dan 2070 (41.43 juta). Penduduk Kelantan dan Terengganu dijangka terus meningkat sepanjang tempoh 40 tahun sehingga 2060 berikutan Kadar Kesuburan Jumlah (TFR) negeri-negeri ini yang kekal di atas paras penggantian (2.1). Selangor dijangka kekal sebagai negeri paling ramai penduduk pada 2060 dengan 8.10 juta orang, diikuti Johor (4.99 juta) dan Sabah (4.89 juta). Sembilan negeri dijangka mencapai kemuncak penduduk lebih awal sebelum Malaysia (2059), iaitu W.P. Kuala Lumpur (2031), Pulau Pinang (2040), W.P. Labuan (2041), Selangor (2049), Johor dan Kedah (2052), Negeri Sembilan (2054) serta Perlis dan Sarawak (2055).


Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Malaysia buat julung kalinya telah menduduki tangga pertama (1) di peringkat global dalam laporan dwi-tahunan Open Data Inventory (ODIN) 2024/25 yang dikeluarkan oleh Open Data Watch (ODW), mengatasi 197 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.

Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia Keempat akan disambut pada 20 Oktober 2025 dengan tema 'Driving Change with Quality Statistics and Data for Everyone'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1: Bilangan dan kadar pertumbuhan penduduk tahunan, Malaysia, 2021-2025




Jadual 1: Bilangan dan kadar pertumbuhan tahunan penduduk mengikut negeri, Malaysia, 2024 dan 2025

Negeri	Bilangan penduduk (juta)		Kadar pertumbuhan tahunan (%)	
	2024	2025 ^p	2024	2025 ^p
Malaysia	34.1	34.2	1.9	0.5
Johor	4.2	4.2	1.9	0.5
Kedah	2.2	2.2	1.3	0.5
Kelantan	1.9	1.9	1.5	1.0
Melaka	1.0	1.1	1.8	0.6
Negeri Sembilan	1.2	1.2	1.2	0.4
Pahang	1.7	1.7	1.5	0.6
Perak	2.6	2.6	1.1	0.2
Perlis	0.3	0.3	1.3	0.3
Pulau Pinang	1.8	1.8	1.6	0.2
Sabah	3.7	3.8	4.0	0.5
Sarawak	2.5	2.5	0.6	0.5
Selangor	7.4	7.4	2.1	0.6
Terengganu	1.2	1.2	1.8	1.2
W.P. Kuala Lumpur	2.1	2.1	3.0	0.3
W.P. Labuan	0.1	0.1	1.8	0.1
W.P. Putrajaya	0.1	0.1	1.2	0.4

Carta 2: Komposisi penduduk Bukan Warganegara, Malaysia, 2014-2025




Carta 3: Peratusan penduduk mengikut kumpulan umur dan negeri, Malaysia, 2025



Jadual 2: Nisbah jantina dan kepadatan penduduk mengikut negeri, Malaysia, 2024 dan 2025

Negeri	Nisbah jantina		Kepadatan penduduk (km ²)	
	2024	2025 ^P	2024	2025 ^P
Malaysia	111	110	103	104
Johor	116	116	218	219
Kedah	104	104	233	234
Kelantan	101	101	126	127
Melaka	112	112	596	600
Negeri Sembilan	108	108	185	185
Pahang	114	114	46	46
Perak	110	109	122	122
Perlis	99	99	364	365
Pulau Pinang	105	105	1,746	1,749
Sabah	109	109	50	51
Sarawak	107	106	20	20
Selangor	115	114	927	933
Terengganu	106	106	95	96
W.P. Kuala Lumpur	117	117	8,518	8,546
W.P. Labuan	105	105	1,100	1,102
W.P. Putrajaya	98	97	2,439	2,450

Carta 4: Bilangan penduduk mengikut negeri, Malaysia, 1970-2070



Sumber: Unjuran Penduduk, Malaysia, 2020-2060

Dikeluarkan oleh:

PEJABAT KETUA PERANGKAWAN MALAYSIA

JABATAN PERANGKAWAN MALAYSIA

31 JULAI 2025